




2021 декабрь

**Аҳоли ва тадбиркорлик
субъектларининг инфляцион
кутилмалари шарҳи**



Ўзбекистон Республикаси Марказий банки


Тошкент 2022 йил

Аҳоли ва тадбиркорлик субъектларининг инфляциян кутилмалари шарҳи 2021 ЙИЛ ДЕКАБРЬ ОЙИ

Аҳолининг инфляциян кутилмалари

2021 йилнинг декабрь ойида ўтказилган сўров натижаларига кўра, келгуси 12 ой учун нархлар ўсиши бўйича респондентларнинг **инфляциян кутилмалари**¹ ўтган ойдаги кўрсаткичга нисбатан 0,8 фоизга камайиб, **15,7 фоизни** ташкил этган бўлса, медиана қиймати² **14,2 фоиз** кўрсаткичда шаклланди (ноябрь ойи якунлари бўйича 14,4 фоиз) (1-расм).

1-расм. Аҳолининг инфляциян кутилмалари динамикаси, (фоизда)



Манба: Марказий банк ҳисоб-китоблари.


Респондентларниг **39 фоизи** келгуси 12 ой давомида нархлар ўтган 12 ой даражасида ошишини билдиришган бўлса, **22 фоизи** нархлар сезиларсиз ошишини таъкидлашган.

Жавоб берувчиларнинг келгусида нархларни юқори даражада ошишини кутаётган қисми декабрь ойида ноябрь ойига нисбатан бироз камайган (2-расм).

¹ **Инфляциян кутилмалар** – инфляциян кутилмаларнинг турли гуруҳлари бўйича мос жавобни белгиланган респондентлар сонининг ўша жавоблар ўртача қийматига кўпайтмалари йиғиндисини жами респондентлар сонига нисбати (ўртача тортилган кўрсаткич).

² Инфляциян кутилмаларнинг **медиана қиймати** – келгусидаги инфляция бўйича жавоблар вариацион қаторини тенг иккига бўлувчи қиймат.


2-расм. Инфляцион кутилмалар бўйича аҳоли жавобларининг тақсимоти (респондентларнинг улуши, фоизда)



Манба: Марказий банк ҳисоб-китоблари.

Шу билан биргаликда, декабрь ойида келгуси йиллик инфляция даражасини **13-16 фоизлик** жавоблар гуруҳини танлаган респондентлар сонининг ноябрь ойига нисбатан ошганлиги кузатилди (3-расм).

3-расм. Инфляцион кутилмалар бўйича аҳоли жавобларининг тақсимоти (респондентларнинг сони)



Манба: Марказий банк ҳисоб-китоблари.

Респондентлар келгусида нархлар ошишига асосий омиллар сифатида **импорт товарлар ҳамда асосий озиқ-овқат маҳсулотларининг қимматлашиши (35 фоиз)**, пандемия ва постпандемия шароитида **нархларнинг оширилиши (33 фоиз)** ҳамда **ёқилғи маҳсулотлари ва транспорт харажатларининг қимматлашиши (25 фоиз)** келтиришган (4-расм).


4-расм. Инфляцион кутилмаларнинг асосий омиллари
(респондентларнинг улуши, фоизда)



Тадбиркорлик субъектларининг инфляцион кутилмалари

Декабрь ойи якунлари бўйича келгуси 12 ой учун нархлар ўсиши бўйича тадбиркорлик субъектларининг кутилмалари ҳам пасаявчи динамикани кўрсатиб, **14,9 фоизни** ташкил этди, медиана қиймати эса **11,8 фоиз** атрофида шаклланди (5-расм).


5-расм. Тадбиркорлик субъектларининг инфляцион кутилмалари динамикаси (фоизда)



Манба: Марказий банк ҳисоб-китоблари.

Аҳоли вакилларида бўлгани каби респондент тадбиркорлик субъектларининг кўпчилиги қисми ҳам келгуси 12 ойда нархлар ўтган 12 ой даражасида ошишини билдиришган (6-расм).


6-расм. Инфляция кутилмалар бўйича тадбиркорлик субъектлари жавобларининг тақсимои (респондентларнинг улуши, фоизда)



Манба: Марказий банк ҳисоб-китоблари.

Тадбиркорлик субъектларининг инфляция кутилмалари йиллик инфляция даражасидан юқори даражада шаклланаётганлигига қарамасдан, уларнинг аксарият қисми инфляцияни **9-12 фоиз** атрофида бўлишини кутишаётганини таъкидлашган. Айнан ушбу омил жавобларининг медиана кўрсаткичини ҳам сезиларли даражада пасайишига хизмат қилган (7-расм).

7-расм. Инфляция кутилмалар бўйича респондентларнинг тақсимои (респондентларнинг сони)



Манба: Марказий банк ҳисоб-китоблари.

Келгусида нархлар ошишига асосий омиллар сифатида тадбиркорлик субъектлари томонидан пандемия билан боғлиқ вазиятнинг ёмонлашиш эҳтимоллигининг мавжудлиги натижасида **хориждан импорт қилинадиган хомашё ва бутловчи қисмлар қимматлашиши (39 фоиз)** ҳамда **ёқилғи ва транспорт**

хизматларининг нархлари қимматлашиши (29 фоиз) каби омиллар саналмоқда (8-расм).

8-расм. Инфляцион қутилмаларнинг асосий омиллари (респондентларнинг улуши, фоизда)



Шу билан бирга, сўровда қатнашган иқтисодиёт субъектларининг деярли **20 фоизи** келгусида **иш ҳақи ва нафақаларнинг ошишини**, **14 фоизи хориждан хом ашё етказиб беришдаги узилишларнинг** давом этиши мумкинлиги таъкидлашган.